

Na osnovu člana 16. stav 2. Zakona o Vladi Zeničko – dobojskog kantona - Prečišćeni tekst („Službene novine Zeničko – dobojskog kantona“, broj: 7/10), člana 46. stav (1) i (4) Zakona o izvršavanju Budžeta Zeničko-dobojskog kantona za 2017. godinu („Službene novine Zeničko-dobojskog kantona“, broj: 15/16, 8/07 i 13/17), člana 2. stav (1) tačka g) i p), člana 3. stav (3) i člana 20. stav (1) Zakona o trezoru u Federaciji Bosne i Hercegovine („Službene novine Federacije BiH“, broj: 26/16), Vlada Zeničko-dobojskog kantona, na 123. sjednici, održanoj dana 19.12.2017. godine, d o n o s i

ODLUKU

o otvaranju namjenskog računa u Razvojnoj banci Federacije Bosne i Hercegovine i određivanju ovlaštenih potpisnika naloga platnih transakcija

Član 1.

(Otvaranje namjenskog računa u Razvojnoj banci Federacije Bosne i Hercegovine)

- (1) Odobrava se otvaranje namjenskog računa u Razvojnoj banci Federacije Bosne i Hercegovine za prenos sredstava deponovanih na posebnom ESCROW računu Zeničko-dobojskog kantona.
- (2) Vlada Kantona će nakon potpisivanja Ugovora o namjenskom depozitu, izvršiti prenos sredstava deponovanih na posebnom ESCROW računu Zeničko-dobojskog kantona na poseban fond Razvojne banke Federacije Bosne i Hercegovine, uplatom na transakcijski račun Razvojne banke br. 195-001-00000014-89.
- (3) Vlada Zeničko – dobojskog kantona će na namjenski račun u Razvojnoj banci Federacije Bosne i Hercegovine deponovati i sredstva ostvarena budućim prodajama preduzeća, umanjena za iznos sredstava koji Vlada Kantona usmjeri za finansiranje Agencije za privatizaciju Zeničko-dobojskog kantona, kao i sredstva od povrata rata kredita za privredni razvoj i zapošljavanje i stambenih kredita, odobrenih od strane Kantona iz ESCROW sredstava ostvarenih od prodaje preduzeća u procesu privatizacije prije datuma stupanja na snagu Zakona o izmjenama i dopunama Zakona o privatizaciji preduzeća (“Službene novine FBiH”, broj: 4/09).

Član 2.

(Ovlašteni potpisnici naloga platnih transakcija)

Za ovlaštene potpisnike naloga platnih transakcija sa namjenskog računa u Razvojnoj banci Federacije Bosne i Hercegovine, od strane Vlade Zeničko – dobojskog kantona određuju se:

- a) Miralem Galijašević, premijer Zeničko-dobojskog kantona,
- b) Andrej Kajić, ministar Ministarstva finansija.

Član 3.

(Stupanje na snagu)

Ova odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-14-17523/17.

Datum, 19.12.2017. godine

Z e n i c a

PREMIJER

po ovlaštenju

ministar Himzo Smajić

DOSTAVLJENO:

1x Ministarstvo finansija,

1x Imenovanim,

1x Razvojna banka Federacije Bosne i Hercegovine, putem ministarstva,

1x „Službene novine Zeničko-dobojskog kantona“,

1x a/a.

